

**ԶՄՅՈՒՌՆԱՀԱՅՈՒԹՅԱՆ ԱՌԵՎՏՐԱՏՆՏԵՍԱԿԱՆ ԿԱՊԵՐԸ
ԻՏԱԼԱԿԱՆ ՔԱՂԱՔՆԵՐԻ ՆԵՏ (XV—XIX ԴԴ.)**

Պատմ. գիտ. դոկտոր. Ա. Ա. ԽԱՌԱՏՅԱՆ

Զմյուռնահայ գաղթօջախը, ինչպես հայտնի է, իր ձևավորման ավարտին է հասել XIV դարում՝ Կիլիկիայի հայկական թագավորության անկումից հետո։ Նախապես լինելով Արևելքի և Արևմուտքի տարանջիկ առևտրի խոշոր կենտրոն (XII—XIII դդ.), Զմյուռնիան հայ առևտրականների համար եղել է կարևորագույն հանգրվան։ Այստեղից նրանք իրենց առևտրական կապերն ու հարաբերություններն են իրականացրել Արևմուտքի և ամենից առաջ իտալական քաղաք-այեթույթյունների հետ։ Էգեյան ծովով նրանք արտահանել են Հայաստանից և Փոքր Ասիայից ցամաքային ուղիներով իրենց տեղափոխած բեռները։ Իտալական քաղաքների հետ զմյուռնահայ վաճառականների սերտ հարաբերությունները հարատևեցին մինչև XVIII դարի կեսը և մասամբ շարունակվեցին հաջորդ հարյուրամյակի ընթացքում, այն բանից հետո, երբ ամալացյան մետաքսի փոքրասիական ավանդական ուղիները և այնուհետև, Սուեզի ջրանցքի գործարկումով, թուլացան Զմյուռնիայի արտաքին առևտրական ամուր կապերը։

XII—XV դդ. իտալական առևտրականները ակտիվ գործունեություն էին ծավալել Սև և Էգեյան ծովերի նավահանգիստներում։ Զենովացիներն ու վենետիկցիները ծովային ուղիներով իտալական ու եվրոպական այլ քաղաքներ էին տեղափոխում պարսկական մետաքս և թուրքական գյուղատնտեսական հումք՝ այս գործառնությունների մեջ սերտորեն համագործակցելով հայ առևտրականության հետ։ Զենովան և Վենետիկը փոքրասիական առևտրին անմիջականորեն առնչվեցին լատինական կայսրության հիմնադրման ժամանակից (1204 թ.)¹, երբ նրանց համար բարենպաստ պայմաններ ստեղծվեցին օգտվելու քարավանային ուղիների ծայրակետերին գտնվող նավահանգիստներից։ Զմյուռնիա, Դենիզլի, Մանիսա, Ալդրն և փոքրասիական այլ քաղաքներ ներթափանցեցին իտալացի առևտրականները՝ տեղական հումքի իրացման իրենց ընդարձակ հնարավորություններով։ Այս շրջանն էլ պետք է դիտել որպես հայ առևտրականության հետ նրա կապերի զարգացման որակապես նոր փուլ, որ հարատևելու էր մի քանի դար շարունակ։ Զենովան արդեն XIII դարի վերջին և XIV-ի սկզբին իր թաղամասն էր հիմնել Զմյուռնիայում², որ վկայում է այս տարածաշրջանում նրանց առևտրատնտեսական հաստատուն դարձած կացության մասին։ Հիրավի, Զմյուռնիան Քիոսի և Միտիլենեի հետ XIII դարում ջենովացիների առևտրական կարևոր հանգուցակետերից մեկն էր և, ինչպես նկատում է Մ. Օրմանյանը, «շատ զարգացած էր հայոց դիրքը դենուացոց պաշտպանության ներքև»³։ Այդպիսի հովանավորության մասին է վկայում հալ վաճառականների հիշատակումը 1261 թ. մարտի 13-ի՝ Միքայել Պալեոլոգ կայսեր և Զենովայի առևտրականների միջև կնքված մի համաձայնագրում։ Այդ պայմանագրով Զենովայի վաճառականները, ի հեճուկս մրցակից Վենետիկի, անմաքս առևտրի ազատություն

¹ В. А. Гордлевский. Избранные сочинения. Т. I, М., 1960, с. 45.

² История Византии, т. 3, М., 1967, с. 114.

³ Մ. Օրմանյան. Ազգապատում, մաս Բ, Կ. Պոլիս, 1914, էջ 2076:

էին ստանում բյուզանդական կայսրության փոքրասիական տիրույթներում, բացի այդ նրանց տրվում էր Զմյուռնիայում առևտրական կայանների միջոցով ամրանալու հնարավորություն⁴։ Իտալական քաղաքների հետ հալ առևտրականության տնտեսական կապերի ուղղակի վկայություն է և այն, որ Հայաստանում XIII դարի վերջին բավական լայն շրջանառության մեջ էին իտալական ոսկե դուկատները⁵։

Զմյուռնիայում ջենովացիները ավելի ամրացրին իրենց դիրքերը XIV դարի երկրորդ ռաուրդին, երբ պապի ներշնչանքներով Հռոդոսի և Լոմբարդիայի ասպետները իրենց նավատորմի ղեկավարությամբ 1343 թ. գրավեցին Զմյուռնիան՝ վանելով Ալգընոզլուներին և օսմանյան թուրքերին⁶։ Այս իրադարձությունների ժամանակ ասպետների միջավայրում եղել են հայեր⁷, որ դարձյալ առնչվում է Ջենովայի և հայ առևտրականության բնդհանուր շահախնդրություններին։

Վենետիկից և Ջենովայից բացի, հալ առևտրականությունը դեռևս XIII դարում կապեր էր հաստատել իտալական այլ քաղաքների հետ։ Դրանցից էր Անկոնան՝ ամենահին ասպնջական քաղաքը հայերի համար։ 1248 թ. հայերն այստեղ հաստատել են հոգեւորն, իսկ XIV դարում արդեն մեծ թիվ էին կազմում, ինչպես Վենետիկում և Ջենովայում⁸։ Մինչև XVIII դարը հայերը Անկոնա են բերել մետաքս, բուրդ, համեմունքներ։ 1624 թ. Ապրոյան տոհմից Հակոբը վաճառքի համար պղպեղ է ուղարկել Անկոնա⁹։ Հետագայում Անկոնայի հայության մի մասը լուծվել է իտալացի բնակչության մեջ, որը հայերենից հետ կապերը կորցնելու հետևանքն էր։

Իտալական քաղաքներում հալ առևտրականության տարածվելը կապվում է իտալական քաղաքների տնտեսության մեջ հայերի նոր կապերի, հայ առևտրական կապիտալի գործողության շառավիղների ընդլայնման հետ։ Զմյուռնացի վաճառականները այս՝ անմիջականորեն ապրանքների արտահանման և տեղում իրացնելու սահմանադիմն անցան XV—XVI դդ.։ Դրան նպաստեցին Վենետիկի հանրապետության տեղական արտադրության զարգացման նոր միտումները, որոնք ամենից առաջ խթանվում էին հումքի պահանջարկի ընդլայնումով։ Այդ պահանջարկի թելադրանքով Վենետիկի հանրապետությունը բարենպաստ պայմաններ էր ստեղծում լեվանտական առևտրին փոքրասիական հումք մատակարարող հալ առևտրականության համար։ 1576 և 1579 թթ. Վենետիկի սենատը զեղչեց ցամաքով բերված պարսկական մետաքսի մաքսը։ Մաքսերը նվազեցրին նաև անգորական բրդի ներմուծման դեպքում՝ 1567 և 1661 թթ.։ 1623 թ. Զմյուռնիայով պարսկական մետաքսի ներմուծման համար սահմանված մաքսը «չորրորդ մասն էր հարկին գորս այլոց պահանջէին»¹⁰։

Վենետիկի հետ փոքրասիական վաղեմի առևտուրը XIII—XIV դդ. հաջողությամբ շարունակում էին բելությունները, որին իրենց մասնակցությունն էին բերում հալ վաճառականները։ Սարուխանի, Ալգընի և Մենթեշեի այդ իշխանությունները էգեյան ծովով իրականացնում էին առևտուրը Վենետիկի, Ֆլորենցիայի և այլ քաղաքների հետ¹¹, իսկ այդ առևտրական ուղի-

4 Б. Т. Горюнов. Позднеевизантийский феодализм. М., 1962, с. 93—94.

5 Հ. Մանանդյան. Քննական տեսություն հայ ժողովրդի պատմության. հ. 3, Երևան, 1952, էջ 265։

6 Ա. Ալպոյաճյան. Անհետացող հալ պաղեթներ. — «Հայաստանի կոչնակ», Նյու Յորք, 1923, № 5, էջ 135։

7 Մայր ցուցակ հայերեն ձևագրաց Մատենադարանին Մխիթարեանց ի Վենետիկ, հ. 9, Վենետիկ, 1966, էջ 358։

8 Նույն տեղում։

9 Ղ. Ալիշան. Սխական. Վենետիկ, 1893, էջ 452—453։

10 Նույն տեղում, էջ 449։

11 J. H. Uzunçarşılı. Anadolu beylikleri. Ankara, 1937, s. 112.

ները լավ ծանոթ էին հայ վաճառականներին: Հաջորդ դարերում այդ իրա-
զեկության վրա հենվելով՝ հայերը Վենետիկի հանրապետության մեջ ստեղ-
ծեցին իրենց առևտրական կայանը: XVI դարում, ինչպես նշում է Ալիշանը,
«յորչափ յաճախութիւն կար հայոց ի Վենետիկ և ոչ միայն ի Զուլայէ կամ
ի պարսկահայոց, այլև իբր ի թուրքահայոց, մանաւանդ ի Փոքր Ասիոյ...»¹²:
Վերջիններիս մեջ առանձնապես ակտիվ էին զմյուռնահայերը: XVII—XVIII դդ.
Վենետիկում արդեն դործում էին զմյուռնահայ վաճառականների սերունդ-
ները, որոնք այստեղ ապրող հարյուրից ավելի հայ ընտանիքների ներկայա-
ցուցիչներն էին¹³:

XV դարի երկրորդ քառորդին Վենետիկի ձեռնարկած՝ տարանցիկ առև-
տուրը խրախուսող միջոցառումները բարենպաստ պայմաններ էին ստեղծվում
նաև եվրոպական այլ շրջանների հետ կապված հայ վաճառականների, այդ
թվում և զմյուռնահայերի համար: Այս քաղաքականության հետ զգալիորեն
կապվում է հայ-հոլանդական առևտրական կապերի աշխուժացումը XVI դա-
րի սկզբներին: Իր առևտրատնտեսական քաղաքականությամբ Վենետիկը
նպաստում էր հոլանդական առևտրական նավատորմի միջոցով Հոլանդիայի
հետ իր տնտեսական համագործակցության զարգացմանը: Այստեղ ևս որո-
շակի դեր էր վերապահվում հայերին՝ իբրև փոքրասիական հումքի ղրխավոր
արտահանողների: Հոլանդական նավերով զմյուռնահայ վաճառականները
Վենետիկ են փոխադրել մետաքս և մետաքսից պատրաստված ապրանքներ,
բուրդ, համեմունքներ, իսկ ալստեդից, հակառակ ուղղությամբ՝ դամասկյան
կերպաս, հայելի, ապակեղեն և այլն:

Վենետիկի հայ վաճառականների մեջ զգալի թիվ են կազմել մեղրեցի
կամ սյունեցի հայերը: 1718 թ. Վենետիկում բնակվում էին տասը մեղրեցի
վաճառականներ, որոնք առևտրական կապեր ունեին Զմյուռնիայի հետ¹⁴:
Անշուշտ, միակողմանի կլինեի հայ վաճառականության՝ Զմյուռնիայի և Վե-
նետիկի միջև եղած գործառնությունների շառավիղը սահմանափակել զուտ
Սյունիքի հայ առևտրականներով: Եվրոպական քաղաքներում, մանավանդ
իտալական քաղաքներում հայ վաճառականների նստակեցության երևույթը
ընդհանրական էր առհասարակ հայ առևտրականության համար: Ա. Հովհան-
նիսյանն այս կապակցությամբ նկատում է, որ դեռևս XVII դարի 60—70-
ական թթ. արևմտահայ առևտրականների հետքերով արևելահայ խոջաները
ևս հաստատվում էին Եվրոպայում՝ Վենետիկում, Լիվոռնոյում, Մարսելում,
Ամստերդամում և այլուր¹⁵: Նույն կերպ, առևտրական փոխադարձ կապերի
տրամաբանությամբ նրանք հաստատվում էին Զմյուռնիայում՝ իրենց հայ-
րենակիցների շնորհիվ ավելի ամուր կապեր ստեղծելով իտալական վաճառա-
շահ քաղաքների հետ:

XVII դարի առաջին քառորդին Վենետիկում հայ վաճառականների հաս-
տատմանը նպաստող ազդակներից էր նաև Վենետիկի և Հոլանդիայի առև-
տրական հարաբերությունների հետագա խորացումը: Իրենց առևտրական
նավատորմի շահախնդրություններից ելնելով և մրցակիցներին կաշկան-
դելու նպատակով 1620-ական թթ. հոլանդական Գլխավոր շտատները օրենք
էին ընդունել՝ արգելել օտար նավերով Թուրքիայից ու Պարսկաստանից ապ-
րանքների տեղափոխումը Հոլանդիա¹⁶: Դրանով իսկ Լեվանտում հաստատ-
վում էր հոլանդական առևտրական նավատորմի առանձնաշնորհյալ կարգա-
վիճակ, քանի որ հոլանդական շուկան փակվում էր այն վաճառականների

12 Ղ. Ալիշան. Հայ-Վենետ. Վենետիկ, 1896, էջ 383:

13 Նույն տեղում, էջ 500—502:

14 Ա. վարդ. Արամյան. Դավիթ բեկ կամ պատմություն դափանցվոց. Վենետիկ, 1978, էջ 113—114: Ալիշան. Միսական, էջ 302:

15 Ա. Գ. Հովհաննիսյան. Դրվագներ հայ ազատագրական մտքի պատմության. գիրք 2, Երևան, 1959, էջ 216:

16 Ա. Սարգսյան. Հոլանդիան և հայերը. Վիեննա, 1926, էջ 15:

Համար, որոնք երթևեկում էին ոչ հոլանդական նավերով: Մասնավորապես Զմյուռնիան, որպես արտահանման հանգուցակետ, և զմյուռնացի հայ առևտրականությունը ընկնում էին խիստ աննպաստ դրությամբ մեջ՝ ենթակա դառնալով հոլանդական առևտրական նավատորմի մենաշնորհին: Այս պայմաններում Հոլանդիայի հետ առևտուր անող զմյուռնահայ վաճառականներին մնում էր կամ հաստատվել հոլանդական քաղաքներում և կամ էլ Վենետիկում և իտալական այլ քաղաքներում՝ իրենց գործառնությունները շարունակելու համար: Վենետիկի և Ամստերդամի հայ գաղթօջախների սովորացումը XVII դարում առհասարակ պետք է դիտել որպես լեվանտում տերությունների տնտեսական քաղաքականության՝ առևտրի լիբերալացումը սահմանափակելու, ինչպես և նրանց մրցակցության անմիջական հետևանք:

Իտալական քաղաքներից զմյուռնահայ վաճառականները Թուրքիա էին ներմուծում եվրոպական արդյունաբերական արտադրանք՝ գործվածքեղեն, ապակեղեն, կոշիկ, արդուզարդի առարկաներ, կղմինդր, հացաբլիթեղեն և այլ ապրանքներ¹⁷: Ընդլայնելով իրենց դերը նաև ներմուծման ոլորտում՝ զմյուռնահայ վաճառականությունը, մասնավորապես XVII—XVIII դդ., ազդեցիկ տեղ էր ապահովել իր համար միջնորդ առևտրի մեջ: Սակայն Օսմանյան Թուրքիայի և Վենետիկի հանրապետության ռազմաքաղաքական ներհանրությունները, ինչպես և պարսկական մետաքսի արտահանության անկումը XVIII դարի առաջին կեսին, պետք է սահմանափակեն հայ առևտրականների կապերը իտալական քաղաքների հետ: Դեռևս XVII դարի սկզբին անգլիական լեվանտի ընկերությունը պատկառելի ուժ էր դարձել օսմանյան արտաքին առևտրի հաշվեկշռում, որ պարզապես վկայում էր արևմտյան ծովային ուղիների աճող գերի մասին¹⁸: Վենետիկի միջերկրածովյան հզորությունը արդեն կորցնում էր իր երբեմնի ուժը: Սակայն թուրքական տնայնագործական արտադրանքը ի վիճակի չէր բավարարելու տեղական պահանջ-մուծները և դիմակայելու իտալական արդյունաբերական արտադրանքին: Մյուս կողմից, Օսմանյան Թուրքիան շարունակում էր պահպանել էժան հումքի խոշոր մատակարարի դերը իտալական արդյունաբերության համար: Օսմանյան կառավարողները վիթխարի շահույթներ էին ստանում հումքի արտահանումից և պատրաստի արտադրանքի ներմուծումից, ուստի և շարունակում էին խրախուսել արտաքին առևտուրը՝ անշուշտ, որոշակի փոփոխություններ մտցնելով առտաքին առևտրական քաղաքականության մեջ: Վենետիկի հետ առևտուրը զգալի չափեր ուներ մինչև 1740-ական թթ., մասնավորապես մետաքսի, ոսկեկար բանվածքի և բրդի արտահանման բնագավառում¹⁹, որ շարունակվեց նաև դրանից հետո: Պարսկական մետաքսի առևտրի անկումը լուրջ հարված պետք է հասցներ այդ առևտրի չափերին ու հեռանկարներին: Հոլանդական առևտրական նավատորմի դին փոխարինելու էր գալիս անգլիականը, որը տնօրինում էր Զմյուռնիայից Վենետիկ տանող ջրային ուղիները: Անգլիական և ֆրանսիական զորեղացող առևտրական կապիտալին դիմակայելու նպատակով Վենետիկի սենատը այս ժամանակաշրջանում բավական լայնախոհություն էր հանդես բերում հայ առևտրականների հետ վաղեմի կապերը պահպանելու գործում: Մի հայտնի չափով այդպիսի քաղաքականությունը թելադրվում էր Վենետիկի հանրապետության և Օսմանյան Թուրքիայի քաղաքական հարաբերությունների լարվածությամբ, որը բացասաբար էր անդրադարձել լեվանտի առևտրի վրա: 1694 թ., Ահմեդ II-ի ժամանակ, Վենետիկի հանրապետության նավատորմի զորքային և ռազմական գործողություններ սկսել Զմյուռնիայի դեմ, սակայն եվրոպական

¹⁷ M. Akdag. *Türkiyenin İktisadi ve İctimai tarihi*, Cilt 2, İstanbul, 1974, s. 436.

¹⁸ Lahlb Subhi, *The Era of Süleyman Magnificent*. — *International Journal of Middle East Studies*, Cambridge Univ. press, vol. 10, 1979, № 4, p. 450.

¹⁹ M. L. Shay. *The Ottoman Empire from 1720 to 1734*, Urbana, 1944, p. 63.

մյուս տերությունների միջամտությունից հետո հարկադրված էր հեռանալ Էգեյանի մատույցներից²⁰:

Իտալական քաղաքների հետ զմյուռնահայ վաճառականության կապերի մասին եզրակացությունների հանդեպ համար կարևոր նշանակություն է ստանում Տոսկանայի դքսության կենտրոն Լիվոռնոյի հետ հայերի առանձնահատուկ հարաբերությունների բացահայտումը: Լիվոռնոյում հայ առևտրական զաղութ էր ստեղծվել դեռևս XVI—XVII դդ., մի քաղաք, որի հետ զմյուռնահայ առևտրականության կապերը պահպանվեցին բավականաչափ երկար՝ մինչև XIX դ. առաջին կեսը: Արդեն XVI դարում Լիվոռնոն դարձել էր ճանաչված հանգուցակետ տարանցիկ առևտրում՝ կարևոր տեղ ձեռք բերելով Արևելքի և արևմտանվորոպական երկրների ապրանքաշրջանառության մեջ, 1578—1605 թթ. Լիվոռնո ժամանած անդլիական ու հոլանդական նավերի թիվը մեծացել էր հինգ անգամ²¹: 1591 թ. Տոսկանայի դուքսը իր հրովարտական արտոնություններ էր շնորհում հայերին՝ բնակվելու Լիվոռնոյում: Ի թիվս մյուսների, դրանից օգտվեցին զմյուռնահայերը: Հավանաբար, դրանից հետո է առաջացել Լիվոռնոյի առևտրական հայ զաղութը, որը զոյուրություն ուներ մինչև XVIII դարի վերջերս:

XVII դարում Լիվոռնոյի հետ աշխույժ առևտուր էին անում և այնտեղ բնակություն հաստատում ագուլեցի, ջուդայեցի և դափանցի հայ վաճառականները ևս: Հաջորդ դարի վերջին Զմյուռնիայից Լիվոռնո էր անցել մեծահարուստ հայ վաճառական Անտոն Զելեպին, որը, փրկվելով սուլթանի ոտընձգություններից, այնտեղ էր տեղափոխել յոթ միլիոն լիրա²²: Հայ ստվարացած համայնքի հոգևոր պահանջմունքներից ելնելով, Լիվոռնոյում բնակվող մի ուրիշ մեծահարուստ՝ Ապրո Զելեպին, 1663 թ. դիմել էր Ֆլորենցիայի պապական նախարարին, խնդրելով միջնորդել Հռոմի առջև՝ եկեղեցի կառուցելու համար²³: Ինչպես միշտ, Հռոմն առարկություններ ուներ ոչ կաթոլիկ եկեղեցիների հարցում, ուստի դավանական տարաձայնությունները հաղթահարվեցին բավական ուշ. այս պատճառով եկեղեցու շինարարությունը ավարտվեց միայն 1714 թ., այն օծվեց Պիզայի արքեպիսկոպոսի հրամանով²⁴:

XVII—XVIII դդ. Լիվոռնոյում, ինչպես և իտալական մյուս քաղաքներում հայերը վաճառել են մետաքս, բամբակ, բուրդ, կտավեղեն, կերպաս, սաթ, գյուղատնտեսական այլ ապրանքներ: Թուրքերը տեղեկացնում է, որ Զմյուռնիայի հայ վաճառականները Լիվոռնո էին արտահանում մետաքս, բամբակ, ուխտարի բրդի թել, մեղրամոմ²⁵:

Օտար, այդ թվում և հայ վաճառականներին 1593 թ. առևտրական առանձնաշնորհումներ էր տվել նաև Ֆլորենցիայի մեծ դուքս Ֆերդինանդ Մեգիլին: Ի թիվս այլ արտոնությունների, նրանց տրվում էր դավանական ազատություն, ինչպես և առանձին համայնք կազմելու իրավունք: Ֆլորենցիայի, ինչպես և Տոսկանայի իշխանությունների ընդհանուր արտոնությունների մեջ ուղադրվ է հենց այս՝ առանձին համայնք կազմելու իրավունքը²⁶: Ակներև է, որ դրանով հիշյալ վաճառականների գործունեությունը իշխանությունների կողմից զիջվում էր որպես առևտրի մշտական ու հուսալի կապերի երաշխիք, որ պետք է նպաստավոր լիներ իտալական առևտրականների համար՝ լեվան-

20 Ս. Էփրիկյան. Պատկերազարդ բնաշխարհիկ բառարան. պրակ 1, Վենետիկ, 1900, էջ 752:

21 В. И. Рутенбург. Италия и Европа накануне нового времени. Л., 1974, с. 33.

22 Լևո. Հայոց պատմություն, հ. 3, գիրք 2, Երևան, 1973, էջ 57:

23 Ս. Ուդուրլյան. Պատմություն հայոց զաղթականության և շինության եկեղեցվոնցին ի Լիվոռնո քաղաքի. Վենետիկ, 1891, էջ 51—52:

24 Ղ. Ալիշան. Սխական, էջ 452:

25 J. P. Tournefort. Voyage d'un botaniste. II, Paris, 1982, p. 328.

26 Ս. Ուդուրլյան. նշվ. աշխ., էջ 253—255:

տի առևտրական ասպարեզում: Ֆյոդենտական հրովարտակը այս տեսակետից հետաքրքիր է նրանով, որ երաշխավորում է ոչ միայն առևտրական, այլև քաղաքացիական, կրոնական և իրավական որոշակի ազատություններ: Այնքան է, որ հրովարտակը հետամտում էր ներմուծվող ապրանքների առևտրի ընդլայնումը:

XVII դարի վերջին Վենետիկը, Լիվոռնոն և իտալական մյուս քաղաքները զմյուռնացի վաճառականների համար դառնում են ոչ միայն առևտրական ուղու վերջնակետ, որտեղ իրացնում էին ներմուծած ապրանքները, այլև տարանցիկ կետեր՝ Արևմտյան Եվրոպա դուրս գալու համար: 1684 թ. անգլո-իտալական բուրգը Զմյուռնիայից տեղափոխվել է Վենետիկ և այստեղից ցամաքային ճանապարհներով՝ Ամստերդամ և Հոլանդիայի մյուս քաղաքները: Այս ժամանակաշրջանում Վենետիկի իշխանությունները, ելնելով տեղական արտադրությունը հումքով ապահովելու պահանջներից, փորձել են խոչընդոտել ներմուծված ապրանքները դուրս տանելուն, ուստի և իրենց մաքսային քաղաքականության մեջ դիմել են որոշ սահմանափակող ձեռնարկներին: 1657 և 1661 թթ. բրդի յուրաքանչյուր ներմուծված հակից այնքան մաքս է սահմանվել, որքան Վենետիկից արտահանելու համար (6-ական դուկատ): Զմյուռնացի վաճառականները բողոքել են, ցույց տալով, որ այդպիսի մաքսային սահմանափակումը անխմատ է դարձնում առևտուրը Վենետիկի վրայով, քանի որ Զմյուռնիայից Վենետիկ նավով բերված և այստեղից Հոլանդիա արտահանված մեկ հակ բուրգը նստում է 70 դուկատ, մինչդեռ Զմյուռնիայից Լիվոռնո բերելով և արտահանելու դեպքում՝ 62 դուկատ²⁷: Անկախ այն բանից, որ Վենետիկի իշխանությունները անսպառն հայ վաճառականների բողոքին և թեթևացրին մաքսի չափը, ակնառու էր, որ առավել ձեռնտու են հարաբերությունները առևտրական դյուրություններ ընծայող Լիվոռնոյի հետ: Հենց այս հանգամանքով են բացատրվում զմյուռնացի վաճառականների բավականաչափ երկարատև առևտրությունները և առևտրական կայանի հարատևումը Լիվոռնոյում: 1693 թ. Զմյուռնիայից Վենետիկ է բերվել 1192 հակ բուրգ, իսկ Լիվոռնո՝ 2900 հակ²⁸:

Լիվոռնոյում հաստատված հայ վաճառականները ակտիվ մասնակցություն են ունեցել իտալական քաղաքների միջև ծավալված առևտրին, ինչպես նաև դրանց առօրեական ու հոգևոր կյանքին: 1646 թ. Լիվոռնոյից Լուկա քաղաք՝ տոնախմբության են գնում 13 հայ վաճառականներ, որոնցից 3-ը զմյուռնացիներ էին. նրանք պետք է մասնակցեին ս. Տավինոյի տոնախմբությանը²⁹: Լուկայի հայ վաճառականությունը քաջածանոթ իտալական քաղաքներից էր: Դեռևս XV դարում պարսկական մետաքսի քարավանային ուղիներից մեկը անցնում էր Բուրսայով, այնուհետև էգեյան կամ Մարմարա ծովերով ձգվում Վենետիկ և Լուկա՝ այստեղից էլ ուղղվում դեպի եվրոպական արդյունաբերական այլ կենտրոններ: Հայերը պետք է որ վաղեմի կապեր ունենային այստեղ, որովհետև տոնախմբության ժամանակ պնդում էին, որ իրենք ազգակցական կապեր ունեն հիշյալ սրբի հետ:

Ուշագրավ են Զաքարիա Աղուլեցու հայտնած տեղեկությունները իտալական քաղաքների հետ Զմյուռնիայի առևտրատնտեսական կապերի վերաբերյալ: Զաքարիան ճանապարհորդել է 1647-ից սկսած տասնյակ տարիներ՝ Ագուլիսից հասնելով Զմյուռնիա: Նրա երթուղին, այնուհետև, քանիցս ձգվել է դեպի Վենետիկ, այստեղից՝ Ամստերդամ և Տրիեստ: Զաքարիան հատուկ տեղ է տալիս Զմյուռնիա—Լիվոռնո երթուղու նկարագրությանը³⁰: Նրա երթուղին բանով առևտրական ճանապարհներն էին՝ Պարսկաստան, ապա Թուրքիա, էրզրում—Թոքատ—Իզմիր գծով: Զաքարիայի անցած ուղիները բա-

27 Ա լ է 2 ա ն. Սխական, էջ 44:

28 Նույն տեղում, էջ 445:

29 Նույն տեղում, էջ 451:

30 Զաքարիա Աղուլեցու օրագրությունը. Երևան, 1938, էջ 15—16:

վականաչափ հստակ պատկերացում են տալիս պարսկական մետաքսի ցամաքային ճանապարհի, և ապա դրա արտածման եվրոպական խաշուղիների մասին, որ կարևոր է միջնադարում հայ-իտալական առևտրական հարաբերությունների ուսումնասիրության տեսակետից:

Իտալական քաղաքների հետ Զմյուռնիայի և զմյուռնահայ վաճառականության աճելի ու շրջանի փոխհարաբերությունները պետք է կենտրոնանալին բամբակի արտահանման և ներմուծման գործառնությունների վրա: XVII դարի վերջին և XVIII-ի սկզբից էգեյանի շրջանում բամբակի մշակության աճը (Քիրե, Բերգամա, Դենիզլի և այլուր) խթանում էին ոչ միայն բամբակագործական մանուֆակտուրայի զարգացումը, այլև հումքի արտահանման հնարավորությունները: Զմյուռնահայ վաճառականությունը գործուն դեր է ունեցել բամբակի արտահանման բնագավառում: XVIII դարի երկրորդ կեսին Զմյուռնիայից իտալական քաղաքներ և արևմտաեվրոպական այլ շրջաններ արտահանվող բամբակի քանակի մասին բավական տեղեկություններ է տալիս Ղ. Ինճիճյանը, ըստ որի, այստեղից տարեկան արտահանվում էր 45 հազար պալեա (բևե) բամբակ և 25 հազար պալեա բամբակի մանած: «Սա բեռները,—գրում է նա,—քովի դեղերեն Իզմիր բերելու, Իզմիրեն ալ ծովեզերքը տանելու միայն ճամբու խարճ՝ 1776 տարին, որ մենք Իզմիր գտնվեցանք, շաբաթ կըլլար, որ 300—500 քեսե կխարճեին վաճառականները, բայց այդչափ բամբակին դեմ Ֆրենկիստան իր ձեռագործները բերելն զատ՝ նավերով նաղտ ստակ ալ կխրկեր վճարելու համար»³¹: Այս տեղեկության մեջ ուշագրավ է նաև XVIII դարում կեղանտում եվրոպական առևտրական հաշվեկշիռի արդեն պարզ ընդգծվող ակտիվությունը, համեմատած նախորդ ժամանակաշրջանների հետ, երբ արևելյան ապրանքային անսպառ հոսքը պայմանավորում էր եվրոպական, այդ թվում և իտալական առևտրի պասսիվ հաշվեկշիռը³²: Դա նշանակում էր նաև, որ Վենետիկը և իտալական մյուս քաղաքները արդեն ստեղծել էին զարգացած թեթև արդյունաբերություն, որի արտադրանքի իրացումը այլևս չէր ենթադրում միջնորդ առևտրի այնպիսի սուր կարիք, որ զգացվում էր XIV—XVII դդ.: Արդյունաբերության զարգացումը սահմանափակում էր միջնորդ առևտրի ինքնուրույնությունն ու ծավալները և դրանք հարմարեցնում իր պահանջմունքների մակարդակին: Հիմնականում սրանով էր պայմանավորված արևմտահայ, այլև զմյուռնահայ միջնորդ առևտրի դերի նվազումը իտալական քաղաքների հետ ունեցած տնտեսական հարաբերություններում³³:

Այսուհանդերձ, նոր ժամանակներում արտադրության զարգացման հետ կապվող արտադրանքի իրացման խնդիրները և հումքի շարունակական պահանջմունքը իտալական քաղաքներին մղում էին Թուրքիայի հետ առևտրական սերտ կապերի: Միջերկրածովյան շրջանում դրան էր մղում նաև անգիջում մրցակցությունը անգլիական ու ֆրանսիական կապիտալների և քաղաքականության հետ, որոնք XVIII դարում դարձել էին առավել նպատակալաց: 1740-ական թթ. Զմյուռնիայում նվազել էր վենետիկցի վաճառականների թիվը, սակայն հենց նույն ժամանակներում ոռոսական ռեզիդենտ Ա. Ի. Նեպլյուևը տեղեկացնում էր, որ Զմյուռնիայում սկսել է գործել նոր

31 Ղ. Ինճիճյան. Դարապատում, 1750—1757. Վենետիկ, 1824, էջ 232:

32 В. И. Рутенбург. Указ. соч., с. 46.

33 Միջնորդ առևտուրը, որ սնուցել էր եվրոպական արտադրության վիթխարի պահանջները, XVIII դարում արդեն ցուցադրել էր իր հնարավորությունների սպառումը: Մյուս կողմից, այն բավական կարևոր նշանակություն ունեցավ թուրքական ավանդական հասարակության մեջ տնտեսական ու հասարակական փոփոխությունների համար: Միջնորդ առևտրի բերած եկամուտների հսկայական չափերն էին, որ հղորացրեցին այսինքն ինստիտուտը: Այսպես, Զմյուռնիայի փաշա կարասումանօղլուն այնքան էր հղորացնել, որ հանդգնել էր գործը շտրամադրել Ռուսաստանի հետ 1768 թ. պատերազմի մեջ մտած սուլթանին (Д. Новичев, История Турции, I, М., 1963, с. 221):

հաստատված նեապոլիտական հյուպատոսարանը³⁴։ Իտալական առևտրի սահմանափակման միտումները դրդում էին ակտիվացնել դիվանագիտական հարաբերությունները։ Հիրավի, նշված ժամանակաշրջանում նվազել էր իտալական առևտրի չափը Թուրքիայում, որ դարձյալ սահմանափակում էր զբաղվող առևտրականության թիվը, գործառնության շրջանակները։ Նվազել էր ֆլորենտական կերպասի և ջենովական թավշի ներմուծումը, որչափով բավականաչափ աշխուժացում էր ապրել Կ. Պոլսի, Քիոսի և այլ վայրերի մետաքսե էջան զործվածքների վաղեմի արտադրությունը, որի արդյունքներն իրենց մատչելիության շնորհիվ բավարարում էին զանգվածային գնորդի պահանջարկը։ Զմյուռնահայ դադթօջախի պատմությամբ զբաղվող Թ. Ճերմակյանը անդրադառնալով նշված փոփոխություններին, հիշատակում է և հզեյանի մերձափնյա տարածքների արտադրանքը. «Զբաղվորը,— գրում է նա,— կգոհանար տեղական բամպակ կտավներով, որոնց այժմ Մենեմենի պեղ կամ բամպակ պեղի տները կտրվի»³⁵։

Միաժամանակ, Վենետիկը զղախորեն պահպանում էր իր առևտրական ներկայությունը Թուրքիայում։ Թուրքական էլիտար շրջաններում բավական բարձր էին դնահատվում նրա արտահանած նուրբ զործվածքները (որով, ի դեպ, հոչակված էր նաև Ֆլորենցիան), ոսկեկար դիպակը³⁶ և նրբարվեստ ապակեղենը։ Զմյուռնահայ առևտրականները մեծ չափերով ընդգրկված էին այդ առևտրի մեջ, որի հորիզոնները հասան մինչև XIX դարի կեսը։ Իտալական քաղաքներում զմյուռնահայ վաճառականները չործել և վաճառատներ են ունեցել այս վաղեմի կապերի շնորհիվ։ Այսպես, նեապոլի հետ առևտրական հին հարաբերություններն էր շարունակում Ապրոյանների նշանավոր տոհմը, որի ներկայացուցիչներից Ստեփանը 1852 թ. գործել և վախճանվել է այդ քաղաքում³⁷։

Հայ առևտրականները հարատևում էին նաև Լիվոռնոյում։ 1843 թ. Լիվոռնոյի հայկական եկեղեցին նորոգելու կապակցությամբ հիշվում է Պոզոս Անդրեասյան զմյուռնացին, որը, իբրև տեղի բնակիչ, լավատեղյակ էր կալվածական (սեփականատիրական) տուրքերի հարցերում³⁸։ Մինչև XIX դարի վերջը և հետո զմյուռնահայերը իտալական քաղաքներ էին արտահանում էզեյանի շրջանի բամբակազործական և այգեզործական բազմազան արդյունքներ, չոր միդր և այլն։ Ուշագրավ է, որ Զմյուռնիայի և նրա շրջակայքի սահմաններում արտադրված խաղողի շիրայի ներմուծման չափերով դարավերջին Իտալիան գրավում էր առաջին տեղը (2157447 կգ)՝ ավելի շատ, քան Ֆրանսիան (1511285 կգ), Ավստրիան (781498 կգ) և Գերմանիան (552744 կգ)³⁹։

Հարկ է նկատել, որ զմյուռնահայ վաճառականության դործունեությունը իտալական քաղաքների հետ ունեցած միջազգային առևտրում հարատևել է ազգային առևտրի ավանդույթների, տոհմային ընդունակությունների և միջավայրն ու իրավիճակը լայնորեն ընկալելու իր հնարավորությունների շնորհիվ։ Իր հերթին, իտալական քաղաքների առևտրական վաղնջական կուլտուրան քաղաքակրթում էր զմյուռնահայ վաճառականությանը, օգնում նրան յուրացնելու եվրոպական առևտրի նուրբ, կատարելագործված մեթոդներն ու փորձը, որոնք այնքան անհրաժեշտ էին առհասարակ միջազգային առևտրում կենսունակություն և կայունություն ձեռք բերելու համար։ Հայ վաճառականներին իտալական քաղաքների տրամադրած առևտրի բարենպաստ պայ-

34 Б. М. Данциг. Русские путешественники на Ближнем Востоке. М., 1965. с. 80.

35 «Արշալույս», Զմյուռնիա, 1908, 1 մայիսի։

36 Նույն տեղում։

37 «Նոյյան աղավնի», Կ. Պոլիս, 1852, 9 մայիսի։

38 Մ. Ուղուրլյան. Նշվ. աշխ., էջ 155։

39 «Սուրհանդակ», Կ. Պոլիս, 1900, 7 հուլիսի։

մանները շատ դեպքերում վճռական նշանակություն էին ունենում այն խնդրական քաղաքականությունը դիմակայելու համար, որ Թուրքիայում կիրառվում էր հայ (նաև՝ այլ ոչ մահմեդական) վաճառականության նկատմամբ: Այսպես, հայտնի է, որ Բ. Դուռը մինչև թանգիմաթը թուրքահայատակ վաճառականներին շնորհել էր որոշ արտոնություններ (ի մ թ ի յ ա զ), որոնք բաժանվում էին մի քանի կարգի: Թուրք առևտրականը արտասահման մեկնող նավի համար մաքս էր վճարում 380 ղուրուշ, հայերը և մյուս ազգությունները՝ 500 ղուրուշ (և 600 ղուրուշ բոլոր նրանք, ովքեր ի մ թ ի յ ա զ չունեին)⁴⁰, Առևտրի նկատմամբ օսմանյան համբավված «ներողամտությունը», որի մասին առասպելներ են պատմում թուրքական պատմաբանները գրեթե միաբերան, իր հակադրության էր վերածվում օտար նավերի համար Ջըմյուռնիայում կայուն մաքսի չգոյության պատճառով: Կայուն մաքսի բացակայությունը կապուտան-փաշային և սուլթանական մյուս պաշտոնյաներին տալիս էր աչքորինի դանձումների, կամայականության և կաշառք շորթելու հավելյալ հնարավորություններ:

Իտալական քաղաքների հետ հայ վաճառականության առևտրական կապերն ու հարաբերությունները խոր կնիք դրեցին հայ մշակույթի զարգացման վրա: Հայ գրատպության սկիզբը, որ իսկական հեղաշրջում եղավ հայ մշակույթի համար, իսպան հայտնի է, դրվեց Վենետիկում՝ 1512 թ.: Հռոմում են գործել, հավանաբար ոչ միայն դավանական, այլև մշակութային առնչություններով, ղմյուռնահայ հոգևոր առաջնորդներ Պոնկտոշ Կարապետը (1614—1615), Սիմեոն վարդապետը (առաջնորդ՝ 1718 թ.): Վենետիկի հետ դավանական առնչություններ է ունեցել ղմյուռնացիների մի այլ հոգևոր առաջնորդ՝ Մինաս արք. Ակնցին (1736 թ.), որը վախճանվել է 1757 թ.: Վենետիկում, ինչպես և Սարդիս արք. Սարաֆյանը, որը իբրև հայ կաթոլիկական գործիչ, Զմյուռնիայից անցել է Վենետիկ⁴¹:

Զմյուռնահայ համայնքում բարձր էր գնահատվում լեզուների, մանավանդ իտալերենի իմացությունը: Իտալերենին լավատեղյակ էր և այդ լեզվից հայերեն թարգմանություններ էր անում ղմյուռնահայերի առաջնորդ Պ. Թադթաղյանը (1840-ական և 1860-ական թթ.), հետագայում՝ Կ. Պոլսի պատրիարք: Իտալերենից նա թարգմանել է Պ. Սենիերի «Քարոզք աղուհացից» գործը: Այդ մասին երուսաղեմի Ս. Հակոբյանց վանքի ձեռագրերից մեկում նշված է. «Պողոս Բ պատրիարք Պոլսոյ, արքեպիսկոպոս Զմյուռնոյ, թարգմանեաց իտալական է ի հայ բարբառ...»⁴²:

Զմյուռնահայ վաճառականները մինչև 1820-ական թթ. իրենց ազդանվանը ազնվացնում էին իտալերենից փոխառած «դի» նախդիրը⁴³: 1794 թ. Մարդար Ասրոյանի մի վկայագրի մեջ հիշվում են ղմյուռնացիներ Կարապետ դի հաճի Հարությունը և Մսեր դի Գրիգորը⁴⁴: Այդ նախդիրի յուրացման ենթ հանդիպում նաև Դավիթ կաթողիկոսին (1803) և Ներսես Աղտարակեցուն (1807) հղված ղմյուռնահայ վաճառականների դիմումներում⁴⁵ և այլն:

Զմյուռնիայի Ս. Մեսրոպյան արական դպրոցում XIX դարում կայուն տեղ ուներ իտալերենի ուսուցումը: 1831 թ. այդ դպրոցի տեսուչ Ռ. Ա. Փափազյանը մտցրեց իտալերենի դասավանդումը⁴⁶: Նրա տեսչության ժամանակ

40 «Արշալույս արարատյան», 1846, 3 մայիսի:

41 Ա. Ալսոյան ճյառ. Զմյուռնիո տպարանները. — «Պատմա-քանասիրական հանդես», 1964, № 2, էջ 70:

42 Մայր ցուցակ ձեռագրաց Սրբոց Հակոբեանց. Երուսաղեմ, 1977, էջ 338:

43 «Արևելք», Կ. Պոլիս, 1902, 27 մայիսի:

44 Մաշտոցի անվ. Մատենադարան, Կաթողիկոսական դիվան, թղթ. 6, վավ. 61:

45 Նույն տեղում, թղթ. 14, վավ. 56, թղթ. 18, վավ. 133:

46 Նույն տեղում, թղթ. 89, վավ. 252: Մանրյանների արխիվ, թղթ. 206, վավ. 1474, 1477, 1479: «Հառաջ», 1972, 4 հոկտեմբերի:

դպրոցի սաների ուժերով բեմադրվեց Կ. Գուգոնի «Հյուրանոցի տիրուհին» կատակերգությունը⁴⁷։ Իտալերենի ուսուցում էր իրականացվում նաև 1847 թ. Ջմյուռնիայում Միսիթարյանների բացած դպրոցում⁴⁸։ Իտալերենը, ի դեպ, ամուր հիմքեր ուներ նաև Ջմյուռնիայի այլ ազգություններին պատկանող դպրոցներում, ինչպես, օրինակ, 1840 թ. հիմնված Ռեֆորմուլի ֆրանսիական հաստատությունում⁴⁹։ 1840 թ. այստեղ հյուրախաղերով հանդես էր գալիս Աթենքից եկած իտալական դերասանական խումբը, որը ներկայացրել էր նաև Ռոսսինիի «Սեվիլյան սափրիչը»⁵⁰։ XIX դարի երկրորդ քառորդից Ջմյուռնիայի մշակութային կյանքում հաստատուն տեղ դարձավ Քամարանո թատրոնը։ 1870-ական թթ. Ջմյուռնիայի Ռոդ փողոցում գործում էր էվտերպե թատրոնը՝ դարձյալ իտալական խմբով⁵¹։ Իտալական թատրոնը նշանակալի ազդեցություն ունեցավ 1860-ական թթ. Ջմյուռնահայերի «Վասպուրական» թատրոնի կազմավորման գործում։

Այսպիսով, Ջմյուռնահայերի առևտրատնտեսական կապերը իտալական առևտրական ու արդյունաբերական կենտրոնների հետ սկզբնավորվել են Ջմյուռնիայի հայ գաղթօջախի հիմնադրումից ի վեր, XIV դարից։ Այդ առևտրական հարաբերություններում հայ միջնորդ վաճառականությունը նպաստել է Արևմուտք—Արևելք ապրանքափոխանակության զարգացմանը՝ լեվանտի երկրներում տարածելով իտալական անհամեմատ կատարելագործված առևտրի եղանակները։ XIV—XVIII դդ. հայ վաճառականությունը նշված ապրանքափոխանակության սոսկ երկրորդական մասնակից չի եղել, այլ ակտիվորեն ու դրականապես է ներգործել այդ գործընթացի վրա, որ վկայվում է Վենետիկի, Հիվոռնոյի և իտալական այլ քաղաքների իշխանությունների կողմից հայ վաճառականների հանդեպ ցուցաբերված միանշանակ բարյալակամ վերաբերմունքով՝ ոչ միայն տնտեսական, այլև իրավական, հոգեվոր ու բարոյական տեսակետներից։ Իտալացիների հետ Ջմյուռնահայերի առևտրատնտեսական կապերը խթանել են հայ-իտալական մշակութային հարաբերությունները։

ТОРГОВО-ЭКОНОМИЧЕСКИЕ СВЯЗИ СМЕРНИЙСКИХ АРМЯН С ГОРОДАМИ ИТАЛИИ (XV—XIX вв.)

Доктор ист. наук А. А. ХАРАТЯН

Резюме

Смирнийская армянская колония, сформировавшаяся в XIV в. после падения Киликийского армянского царства и просуществовавшая до 1922 г., имела вековые и разносторонние торгово-экономические связи с городами Италии (Генуя, Венеция, Анкона, Ливорно, Лукка). Армянское купечество Смирны вывозило в Италию сырье, главным образом шелк, шерсть, хлопок, ткани, пряности, драгоценные камни и т. д. Из итальянских городов они ввозили в Турцию, а также в западноевропейские страны промышленные товары, существенно способствуя, тем самым, развитию международного товарооборота. Благодаря своей предприимчивости и таланту, армянское купечество приобрело в лезантийской торговле экономический вес и авторитет. Это подтверждается торговыми льготами, предоставленными властями Венеции, Ливорно и других городов армянским купцам. Торгово-экономические связи с итальянцами послужили стимулом для тесных культурных взаимоотношений.

47 Տ. Ս ա վ ա լ ա ն. Կենսագրական հուշեր. Կահիրե, 1900, էջ 21։

48 «Արշալույս արարատյան», 1847, 7 փետրվարի։

49 Նույն տեղում, 1846, 21 սեպտեմբերի։

50 Նույն տեղում, 1840, 21 սեպտեմբերի։

51 Handbook for Travellers in Turkey, in Asia. London, 1872, p. 266.